

PLOANIES SAN MARTIN È LUNGIARÜ

En lönesc (26/10), dales 20.00, mët man te calonia da San Martin **la pröma de 4 incuntades sura le vangele do S. Lūca**. I partezipanc dess se tó do na bibla y gní vigni iade.

Le Raiun Sozial Val Badia organisëia cun la Caritas Hospizbewegung na **Nöt de plūra y de consolaziun** en sabeda, ai 31 d'otober, tl Cistel de Tor dales 19.00 -22.00. Chësta incuntada dëida da se tó dlaurela da se dé jö cun nosta plūra y nosc dolur y da sintí ch'i ne sun nia susc. Inviá é düc chi che plūra por na porsona bunorüda, morta, anfat tan dadí. Info tl Raiun Sozial 0474 524 504 (danmisdé) o pro Caritas Hospizbewegung 0474 413 978, hospiz.bruneck@caritas.bz.it. Düc é bel inviá.

La Caritas cöi indö adöm patüic vere, mo ciamò da adoré, nèt, zënza flec, süt y nia scarzé: quant, cialzá ciolà adöm a per, tasces, blanciaría de ciasa (cutres, linzos, cisces, tovaies y cultrines), nia borduns, tapec ialzá dai schi. I sac é da dé jö en jöbia y en vëndres ai 5 y 6 de novëmer tles bënnes metüdes a desposiziun dala firma Alfreider a San Martin y a Lungiarü. Por dejciarié spo y ciarié i sac sön de gragn camions tla plaza de Pradel en sabeda da doman (07/11) vëgnel perié valgügn ëi da gní a daidé.

La **Ciamena dal guant** sará da sëgn inat stlütta pur i proscimi mëisc, deach'ara röia te d'atri locai. Canche l'ativité vá indö inant vëgnel lascé alsavëi.

En vëndres, ai 30 d'otober, él dales 15.00 n bible workshop tla biblioteca dl Zënter Pastoral a Balsan dlungia le dom cun la referënta Doris Thurnher Knoll: Co chíron pa fora la dërta bibla por mituns da scinché y co laóron pa impara?

SAN MARTIN: En domënia, ai 25 d'otober, vënn i jogh do la gran mësäa tl salf di stödafüch ciandëres por Gnissant. Präibel tolede chësta ocasiun ch'i ves pitun.

LUNGIARÜ: I jogh da Lungiarü vënn ciandëres por Gnissant en sabeda ai 24/10 do mësäa y domënia ai 25/10 do mësäa tl salf dl paisc. Ci che vëgn trat it vá a fin de bëgn.

Le Raiun Sozial Val Badia mët a jí cun la Ciasa de Palsa Le referat cun Gregorio Rungger organisé dal Raiun Sozial y dala Ciasa de Palsa **“Le bot al ce – ictus” è gnü sposté al dedolönesc**, 3 de novëmer, dales 18.00, tla Ciasa de Palsa.

Gran batadù tl Museum de Tor incö domënia ai 25/10, dales 14.00 metü a jí adöm cun l'Uniun di Stödafüch. Dales 13.30 inant pon se scrí ite söl post; al é ince la poscibilité da se scri ite denant por telefon 339 768 5 970. An pó ince ciamó ti ciaré ala mostra dla pröma gran vera 1914-1918. En chësta domënia (25/10) él tl Museum da San Ciascian n domisdé por mituns de ativités da pastelné y vijites accompagnades. L'entrada é debann: les ativités vëgn pitades dales 14.15–15.45 y dales 16.15–17.45

Badiamusica inviëia en jöbia (29/10) dales 20.00 a Badia al conzert cun l'ensemble Windkraft y l'atur Simon Kostner “La storia de n soldá” de I. Stravinskij por ladin.

Alta Badia Bus organisëia ai 6 d'otober n iade al **Leonardiritt** a Bad Tölz. Prenoté 348 26 15 668, cina en sabeda ai 31/10. Le iade costa 35 euro por porsona.

Döt le bun a chi che complësc i agn de novëmer

a San Martin: Maria Planatscher Trebo che nen complësc 81 ai 3
Pire Graffonara che nen complësc 83 ai 8
Angel Ploner che nen complësc 86 ai 27
Teresa Pedevilla Flöss che nen complësc 87 ai 29



www.valbadiaonline.com

Plata dles Ploanies San Martin y Lungiarü



www.unitepastorala.org

siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

25.10. - 1.11.2015 nr. 48

termo da publiché: jöbia 20.00
radio: 90,40 / 93,70

30ª DOMÈNIA IA POR L'ANN B

Vangele: Merch 10,35-45

Sön ur de strada êl n petler verc sentè, Bartimëus, le fi de Timëus.

Pornanch'al â aldì, ch'al é dailò Gejù da Nàzaret,

àl metü man da scraié dadalt:

Fi de Davide, Gejù, mënete picé de mè!

Tröc le bruntorâ ch'al dô scutè.

Mo al scraia ciamò plü dassënn:

Fi de Davide, mënete picé de mè!

Gejù é stè chit y à dit: Cherdédele ca!

Ai à cherdè le verc y ti à dit:

Ais coraje, lê sö, al te chërda.

Dailò àl sciurè demez so mantel,

é saltè sö y ti é jü pomez a Gejù.

Gejù l'â damanè: Cî dessi pa fa por tè?

Le verc à respognü: Rabuni, ch'i pois indö odëi.


Dailò ti à Gejù dit: Va! Tüa fede t'â salvè.

Da aldí chël verc che scraia do aiüt, n'êl tröc che orô le fá scutè.

*Te chësc comportamënt vëiga le papa Francësch na pert de cristians
che ó avëi cun Gejù “n raport egoistisch, ma resservé a d'ëi instësc”,
olache i püri ne n'á degöna lerch.*

*Chëstes porsones ne n'alda gnanca incö le scrai de chi che á debojëgn de Gejù.
Al é porsones che ne s'un fej nia d'infora, ares ne n'alda nia y mina che la vita ti
é ma scincada al pice cërtil incër ëi ia. Ai é contënc cun se instësc y é surc dan
dal scrai de chi tröc che adora salvëza, che adora Gejù, che adora la Dlijia.*

*Chëstes porsones é egoistes y vir ma por ères instësses.
Ares n'é nia bunes da aldí la usc de Gejù che scraia ti püri.
Da ci pert sunse pa, da chëra de chi che ó fá scutè le verc,
o da chëra de chi che l'alda y ó ti lascé sintí salvëza y le condüje da Gejù?*



	SAN MARTIN		LUNGIARÜ
25.10.15 30^a Domènia ia por l'ann B <i>ora da invern</i>	9.00 Corona 9.30 Gran Mëssa dla comunité 11.00 Bato de Tobia Tavella, Giulia Graffonara y Benno Sorà 17.30 Prozesciun cun ciandëres da S. Linert sò Oies y dailó Mëssa de contlujiun por dotes les ploanies	25.10.15 Domènia	7.55 Corona 8.15 Gran Mëssa dla comunité 15.00 Corona tla capela de S. Ujöp Freinademetz 17.30 Prozesciun cun ciandëres da S. Linert sò Oies y dailó Mëssa de contlujiun por dotes les ploanies
26.10.15 Lönesc <i>Amand, Sigibald</i>	20.00 Cërtrl dla Bibla te calonia da San Martin	26.10.15 Lönesc	20.00 Cërtrl dla Bibla te calonia da San Martin
27.10.15 Dedolönesc <i>Wolfhard, Antonia</i>	15.30 Mëssa sò Frëina de rengraziamënt a Sant Ujöp da Oies	27.10.15 Mertesc	
28.10.15 Dedemesaledema <i>Scimun y Iüda apostui,</i>	19.30 Corona d'otober	28.10.15 Mercui	7.30 Mëssa familia de Sepl Clara + + fredesc Clara, Soví
29.10.15 Jöbia <i>Ermelinda</i>	7.30 Mëssa di scholars + Rita Costabei dl ann + + Emma Schanung y Bacchisio Cosseddu Corona por vocaziuns	29.10.15 Jöbia	
30.10.15 Vëndres <i>Bornert, Fonjo</i>	19.00 Adoraziun chîta 19.30 Corona d'otober	30.10.15 Vëndres	7.30 Mëssa familia de Albert Dapoz + + Tarejia y Pasquale Wieser 18.30-19.30 Confesciuns de düc
31.10.15 Sabeda <i>Wolfgang, Iuta</i>	7.30-8.30 Confesciuns de düc 10.00-11.00 Proa di sorvidus te dlijia 15.30 Mëssa tla Ciasa de Palsa 18.30 Mëssa pefestia familia de Alfred Castlunger + + siur Merch y Nane Graffonara + + Zilia y Hermann Prousch	31.10.15 Sabeda	20.00 Mëssa pefestia familia de Lorenz Nagler + + Paul y Loise Chiusura
01.11.15 GNISSANT	9.30 Mëssa solëna por la comunité 15.00 Zelebrazium dla Parora y vijita te cortina 18.00 Rosare por i defunc y confesciuns	01.11.15 Domènia	7.30 Confesciuns 8.15 Mëssa solëna por la comunité 14.00 Öspi solënns y vijita te cortina 19.30 Corona por i defunc y confesciuns